

Politikarpåske i fjøsen

– Om eg kunne ha vore gardbrukar? Eh.... Hehe – mitt problem er at eg har ti tommeltottar, så det hadde nok gått aldeles gale!

Stortingspolitikar Fredric Holen Bjordal (23) starta påskeferien sin i fjøsen – på gjardsbesøk hos gardbrukar Linda Stokke (36) i heimkommunen Ørsta. Unge Bjordal er forsten Ørsta sin første stortingspolitikar på rundt 45 år, - og sjølv om han har svært så lave tankar om sine eigne evner innan næringa, tok han sjølv initiativet til å lære meir om lokalt og nasjonalt landbruk nyleg – og starta altså påska i fjøsen.

– Som stortingsrepresentant frå fylket si neststørste landbrukskommune er det sjølv sagt viktig å lære meir om landbruk, som eg personleg kan lite om. Det næreste eg hittil har kome landbruket, er når eg har vore på sondagsmiddag hos foreldra til kjærsten min i Folkestaddalen. Dei har gard, skjonar du, seier Fredric, som starta si politiske karriere i ungdomsrådet. Deretter vart han AUF-leiar i fylket, kom seg uskadd frå Utøya-tragedien, og kom inn på Stortinget sist haust.

– Korleis har første halvåret vore?

– Eg likar meg svært godt på Stortinget, der eg har erfart at ein vert inkludert når ein faktisk står litt på, sjølv om ein er fersk. I Oslo likar eg meg dårlegare, så eg er heime i Ørsta omrent kvar helg, og elles så ofte eg kan, seier Fredric.

Lokal bondelagsleiar Knut Hustad rosar den unge politikaren:

– Du er dyktig, Fredric, så eg ser jo ikkje bort frå at du vert landbruksminister ein dag. Og vår bodskap er at vi treng ein meir langsiktig og stabil landbrukspolitikk. Når det er snart det eine og snart det andre, er det nesten uråd å planleggje framtid for bondene og dei som eventuelt skal ta over.

Siste generasjon

Her fekk Hustad heilhjarta støtte frå vertane, Linda Stokke og faren Ole, som nyleg vart pensjonist etter mange år som bonde i Bondalen ved Hjørundfjorden.

– Min generasjon er kanskje den siste generasjonen bonder som har så sterkt tilknyting til jorda at vi ville drive nesten uansett forhold. Skal neste generasjon kunne drive vidare, treng vi så absolutt langsiktig og stabil landbrukspolitikk. Det seier nesten seg sjølv.

Ole Stokke hoppa aldri på samdriftskarusellen, og på garden har dei framleis båsfjos. Noko som vert ulovleg om ti år: Frå 2024 skal alle fjos vere lausdriftsfjos.

– Eg skjonar ikkje vitsen med å setje ei så markant grense/tidsfrist. Overgangen til lausdriftsfjos hadde kome uansett. Ved å setje året 2024 som siste året for båsdrift, gjer ein at mange elles godt drivne gardar då vil vere sjølvslutta. Rett og slett fordi ikkje alle har råd til å gjere ei investering på mange millionar innan den tid, sa Stokke.

Linda vart bonde

Journalisten intervjuja Ole si dotter Linda for om lag femten år sidan.

– Då var titelen din «Linda vil bli bonde» - og det vart eg, smiler Linda.

– Har du angra?

– Nei. Eg har alltid tenkt at eg skulle ta over gardsdriita her. Alltid har eg hatt lyst til det – å drive jorda og bu her i Bondalen. Men det er klart: Vi treng som sagt langsiktig politikk for i det heile tatt å kunne bli verande i næringa.

TEKST OG FOTO: SVEIN NORDAL



PÅ BESØK: Fredric Holen Bjordal på fjøsbesøk hos Linda og Ole Stokke.



VERT ORIENTERT: Stortingsrepresentanten vert orientert av bondelogsleiar Knut Hustad.

